

臣安萬侶言夫混元既凝氣象未敦無名無爲誰知其形然乾坤初分參神作造化之首陰陽斯開二靈爲君羊品之祖所以出入幽顯日月彰於洗目浮沈海水神祇呈於滌身故太素杳冥目卒教而識孕土產嶋之時元始綿邈賴先聖而察生神立人之世寔知懸鏡吐珠而百王相續喫劔切蛇以萬神蕃息與議安河而平天下論小濱而清國土是以番仁岐命初降于高千嶺神倭天皇經歷于秋津嶋化熊出爪天劔獲於高倉生尾遮徑大烏導於吉野列儂攘賊聞歌伏狹即覺夢而敬神祇所以稱賢后望烟而撫黎元於今傳聖帝定境開邦制于近淡海正姓撰氏勒于遠飛鳥雖步驟各異文質不同莫不稽古以繩風猷於既頽照今以補典教於欲絕暨飛鳥清原大宮御大八洲天皇御世潛龍體元洊雷應期聞夢歌而相纂業投夜水而知承基然天時未臻蟬蛻於南山人事共給虎步於東國皇輿忽駕浚渡山川六師雷震三軍電逝杖矛舉威猛士烟起絳旗耀兵凶徒瓦解未移浹辰氣沴自清乃放牛息馬愷悌歸於華夏卷旌戢戈儂詠停於都邑歲次大梁月踵俠鍾清原大宮昇即天位道軼軒后德跨周王握乾符而揜六合得天統而包八荒乘二氣之正齊五行之序設神理以獎俗敷英風以弘國重加智海浩汗潭探上古心鏡煒煌明覩先代於是天皇詔之朕聞諸家之所費帝紀及本辭既違正實多加虛僞當今之時不改其失未經幾年其旨欲滅斯乃邦家經緯王化之鴻基焉故惟撰錄帝紀討覈舊辭削僞定實欲流後葉時有舍人姓稗田名阿礼年是廿八爲人聰明度目誦口拂耳勒心即勅語阿礼令誦習帝皇日繼及先代舊辭然運移世異未行其事矣伏惟皇帝陛下得一光宅通三亭育御紫宸而德被馬蹄之所極坐玄扈而化照船頭之所逮日浮重暉雲散非烟連柯并穗之瑞史不絕書列烽重譯之貢府無空月可謂名高文命德冠天乙矣於焉惜舊辭之誤忤正先紀之謬錯以和銅四年九月十八日詔臣安萬侶撰錄稗田阿礼所誦之勅語舊辭以獻上者謹隨詔旨子細採摭然上古之時言意並朴敷文構句於字即難已因訓述者詞不逮心全以音連者事趣更長是以今或一句之中交用音訓或一事之內全以訓錄即辭理叵見以注明意况易解更非注亦於姓日下謂玖沙訶於名帶字謂多羅斯如此之類隨本不改大抵所記者自天地開闢始以訖于小治田御世故天御中主神以下日子波限建鷓草葺不合命以前爲上卷神倭伊波禮毘古天皇以下品陀御世以前爲中卷大雀以下小治田大宮以下爲下卷并錄三卷謹以獻上臣安萬侶誠惶誠恐頓首頓首和銅五年正月廿八日正五位上勲五等太朝臣安萬侶